

Un mensahe pa nos tur


E mensahe di e discipulo di Dios

ORANJESTAD - Durante e sacrificionan di misa pa loque ta toca misanan di Aurora, pero tambe e misa di Pasco den cada distrito, por a scucha un mensahe diferente, cu ta concentrá riba e situacion actual di e famia Arubiano.

Pater Lampe den su discurso a toca e tema di identidad.

E pakiko e Arubiano no ta laga su identidad manifestá su mes, como si fuera e tin un miedo di haci tal.

Pater Lampe ta elogiá e sistema cu tanto e koor di Dakota a introducí e tumba den nan cancionan, ya cu esaki ta un manera positivo di entregá parti di e cultura di Aruba den e cas di Señor. Tambe e música y e sistema di e koor di Santa Cruz. Maske asina e cuidadano por comparti a base di cultura e cas di Dios. E Arubiano segun Pater Lampe mester haci mas uso di cultura pa asina manifestá loque nan ta sinti, loque nan tin paden. Algo sumamente importante, pa asina pacificá e sentimentonan di ruman, pa asina trese paz den alma di mas di un di nos, cu ta cana rond cu nos problema, sin por vociferá esaki cu un otro, ni sikiera den cas di Señor, na problema ya no ta



Pater Lampe den su discurso di Pasco a elogiá e cambio cu e koornan di tanto Santa Cruz y Dakota a introducí den música y canto, treciendo asina gran parti di e cultura di Aruba dilanti. Algo cu mester wordo haci mas. Cas di Dios, segun Pater Lampe ta e lugar apropiá pa expresá bo sentimentonan y si esaki mester ta atravez di música, ta di elogiá. Si mas por siquie e ejemplu y trata di comparti cu Dios nan sentimentonan, Aruba lo ta mucho mas mihor.

dibo mas si bo entregé esaki. Hopi di nos, mester tuma e ejemplu na e palabranan di Footprints, pa asina nos por comprendé cu nos no ta nos so den mundo.

En cambio Pater René Viamora di Savaneta a tica e tema cu hopi ta pasa aden awendia, cual ta e situacion di campaña cu ta influencjá e sentimento di Pasco, ya cu ruman no ta ruman mas, si encaso nan ta di diferente partido políticu.

Un situacion hopi penoso, dor di no tin e posibilidad di distanciá un for di otro, y ta laga un temporada di famfa bai perdí dor di cosnan mundano cu pronto lo ta algo di pasado.

Un situacion cu mester atencion di hopi pa evitá cu e escalá den algo peor.

Pater René Viamora kier pa Aruba en general concentrá riba e problema aki y tuma consenshi cu ruman semper lo ta ruman, famfa lo keda famfa, ta solamente amistad por cambia, pero esaki mes si encaso e ta un cu no ta basa riba principonan.

E decadencia den nucleo di famfa ta algo cu ta bai perdí, cada dia cu pasa y sigur no ta loque nos antepasadonan a inductriná nos.

Pesey mester laga balornan di famfa perdurá riba diferencianan politico.

Aruba ya no ta Aruba mas, na unda un bisña por a pasa pa un poco sucu te ora dia habri y e por bai tienda, Aruba no ta e Aruba mas na unda e poder economico no mester tabata ta eynan pa bo por ta algo den bida, pero na unda union di famfa tabata tur cos.

Y quizas ta esey ta loque nos mester trata na rescatá pa por tin un Aruba mihor. □

NOTA RED. Esaki ta algo hopi cierto, ya cu sin e union di famfa, no por tin un Aruba mihor, un Aruba basa riba principonan duradero pa asina cada un di nos por tin su identidad bon establecí y no tin miedo di laga sa loque e ta sinti. E balor cu lo por inductriná e mucha cu ta bin, cu autostimacion y di haci di djé un cuidadano cu ta stima su prohimo sin mester di evaluá posicion economico, raza of credo politico. □